

Von Feldtmessen.

Hierauff rechne folgende Exempel.

Ein Feldt das einer gestalt eines vngleichem Triangels/ vnd ist auff einer seiten vier ruten/ auff der andern seiten sieben ruten/ vnd auff der dritten seiten neun ruten lang/ wiltu das in ein vierung bringen vnd messen / so Addir die zwo lengsten seiten / das ist / siben vñ neun / so werden sechzehen darauff / die sechzehen mache halb / so seindt die zwo seiten verglichen. Darnach manigfaltig die erst halb Summ / das ist acht / durch das halb theil der minderen / die vier in ihr helt / das ist / durch zwey / sprich : Zweymal acht ist sechzehen / Darauff magstu sagen / dasß diß Feldt in seiner vierung sechzehen Creutzruten in ihm helt / vnd ist wol gemessen / nach gestalt der nachgetruckten Figuren.

¶ Diß Feldt in seiner vierung Sechzehen Creutzruten / das ist ein halb viertheil eins Morgen.

Diß Feldt ist 4. ruten.



Diß seiten 9. ruten.

Diß seiten ist 7. ruten.

Etlich äcker haben drey vngleiche seiten / oder aber zwo gleiche seiten / mit einer scharpffen spizen / als die nachgesetzte Figur außweiset.



Die